



Finansira
Evropska unija

Regionalni program lokalne demokratije na Zapadnom Balkanu 2 ReLOaD 2



u partnerstvu sa Gradom Goražde

Izveštaj o održanom prvom mentorskom sastanku u okviru trećeg javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u Gradu Goražde

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu 2“ (ReLOaD2)¹ u saradnji sa Gradom Goražde, u petak, 27. oktobra 2023. godine u trajanju od 11.00 do 13.00 sati održan je prvi od 6 planiranih mentorskih sastanaka za zainteresovane predstavnike organizacija civilnog društva (OCD).

Prvi termin mentorskog sastanka najavljen je na zvaničnoj internet stranici Grada Goražda (www.gorazde.ba) te Razvojnog programa Ujedinjenih nacija (www.undp.org). Dodatno, kako bi se osiguralo da su OCD obaviještene o mentorskoj sesiji, administracija Grada Goražda je dostavila cirkularnu elektronsku poštu na kontakt adrese organizacija civilnog društva.

Na početku mentorskog sastanka na kojem je prisustvovalo ukupno 5 predstavnika/ca OCD (od čega 3 žene i 2 muškaraca) učesnicima je pojašnjena uloga mentora/ice, naglašavajući da je uloga mentora/ice da **ukaže na greške, ali ne učestvuje u rješavanju istih**. U toku trajanja Javnog poziva, planirano je 6 mentorskih sastanaka, a sve u zavisnosti od interesa predstavnika/ca organizacija civilnog društva. Neki od planiranih 6 mentorskih sastanaka mogu biti održani i *on-line* ukoliko predstavnici OCD-a iskažu zainteresiranost za takav način mentorstva.

Mentorica je prezentovala osnovne prioritete Javnog poziva, stavila fokus na eliminatorne kriterije i važnost da **projektna ideja treba biti u skladu sa prioritetima javnog poziva**. Također, pomenuta su i iskustava iz prethodnih javnih poziva i najčešće greške koje su bile vezane za nedosljednosti u osnovna četiri dokumenta koja trebaju da budu u međusobnoj logičkoj vezi (**Logički okvir, Plan aktivnosti, Budžet i Aplikaciona forma**).

U razgovoru sa prisutnim predstavnicima OCD-a, pokazala se potreba pojašnjenja **logičkog okvira** i pravilnog dizajna jedne projektne intervencije prikazane kroz logički okvir.

Rečeno je da bi organizacije trebale započeti pripremu projektnih prijedloga pravovremeno, kako bi u toku trajanja javnog poziva, aktivnim učešćem na mentorskim sesijama mogli postepeno razvijati projektnu dokumentaciju i rješavati eventualne dileme u vezi projektnog dizajna.

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD 2



U završnom dijelu sesije, predstavnici organizacija su postavljali pitanja koja se tiču formulacije konkretnih projektnih ideja - mentorica je uputila sve učesnike i učesnice da pročitaju pažljivo dokument *Smjernice za aplikante*, kao i odgovarajuće oblasti u Strategiji Grada Goražde.

Planirane aktivnosti i odgovarajući rezultati trebaju biti u skladu sa matricom logičkog okvira. Rezultati iz Logičkog okvira trebaju odgovarati rezultatima iz Plana aktivnosti (za koji se vežu sve ključne aktivnosti i odgovarajuće podaktivnosti, numerisane na odgovarajući način: R1, A1.1, A1.2 itd.).

Učesnicima je skrenuta pažnja da na pravi način **definišu vanjske faktore** (npr. ciljna grupa ne može biti vanjski faktor, jer su oni sastavni dio akcije, angažirani treneri nisu „vanjski faktor“ jer učestvuju u implementaciji nekih aktivnosti i sl.). Nije neophodno da projekat **ima preduslov**, ali ako ga ima neophodno je odmah preduzeti mjere kako bi dobili neophodnu saglasnost od nadležne institucije (npr. Ministarstva za obrazovanje ukoliko je projektna ideja vezana za provedbu aktivnosti u školama i sl.).

Zaključeno je da bi predstavnici organizacija trebali započeti sa izradom projektnog prijedloga što prije, da projektnu intervenciju treba fokusirati na prioritetne oblasti javnog poziva te da za narednu mentorsku sesiju pripreme Logičke matrice (hijerarhiju ciljeva, set aktivnosti i vanjske faktore)

Od predstavnika OCD se očekuje da na drugi mentorski sastanak dodju sa pripremljenim nacrtima obaveznih dokumenata po javnom pozivu.

Naredne sedmice planirani mentorski sastanci su prema sljedećem rasporedu:

1. **ponedeljak, 30. oktobar 2023. godine, sa početkom u 11.00 sati u sali Gradske uprave (drugi sastanak)**
2. **petak, 03 novembar 2023. godine, sa početkom u 11.00 sati u sali Gradske uprave (treći sastanak)**

Zainteresovani učesnici svoje prijave za mentorsku sesiju mogu dostaviti na e-adresu: amila.perla@undp.org